

Osnovna škola „Zajko Delić“ Vogošća, ul. Kenana Brkanića br. 2, 71323 Kobijska Glava (u daljnjem tekstu: **NARUČITELJ**) kog zastupa Anisa Sivac – direktorica škole,

i

“**VATROSISTEMI d.o.o.**”, Saleta Zajke br. 115, 71000 Sarajevo (u daljnjem tekstu: **IZVRŠITELJ**), koje zastupa Benin Mesihović – direktor,

sklopili su sljedeći

## **UGOVOR**

### **o pružanju usluga iz oblasti zaštite od požara i eksplozije**

#### **Član 1.**

##### **PREDMET UGOVORA**

Pružanje usluga iz oblasti zaštite od požara i eksplozije na objektu koje koristi **Osnovna škola „Zajko Delić“ Vogošća** podrazumjeva sljedeće aktivnosti:

1. Periodični pregled aparata za početno gašenje požara
2. Kontrolni pregled aparata za početno gašenje požara
3. Pregled i ispitivanje hidrantske mreže
4. Ispitivanje ispravnosti i funkcionalnosti sistema za detekciju gasa

#### **Član 2.**

##### **CIJENA**

Za vršenje poslova iz predhodnog člana sačinjena je ponuda br. 697-K-09/17 od 07.09.2017 godine koja je sastavni dio Ugovora, a koja pored ostalog sadrži vrstu posla i cijenu za svaku uslugu, odnosno sredstvo.

#### **Član 3.**

##### **IZDAVANJE RAČUNA I PLAĆANJE**

IZVRŠITELJ će NARUČITELJU ispostaviti račune za izvršenu uslugu nakon završetka svake usluge i predaje dokumentacije za istu.

Plaćanje će se vršiti na osnovu sljedećeg dokumenta:

- jedan (1) original Računa

NARUČITELJ će platiti samo ispravno izdat račun sukladno odredbama člana 2. i 3. ovog Ugovora u roku 15 (petnaest) dana, od dana ispostavljanja fakture na žiro račun IZVRŠITELJA.

#### **Član 4.**

##### **TRAJANJE I DINAMIKA IZVRŠENJA USLUGA**

Ugovor se potpisuje na rok od 1 (jedna) godinu dana i prešutno produžava, osim u slučaju otkaza jedne od strana, koji se treba uputiti preporučenim pismom u roku od 30 dana od dana dospelja, prestanka predhodnog Ugovora.

IZVRŠITELJ će tokom važenja ovog Ugovora vršiti Uslugu sukladno dinamici koju će određivati NARUČITELJ, a u skladu sa Zakonom propisanim terminima za određenu uslugu.

#### **Član 5.**

##### **MJESTO VRŠENJA USLUGE**

Usluga koja je predmet ovog Ugovora izvršavati će se na lokacijama NARUČITELJA.

*„Ugovor o pružanju usluga ZAŠTITE OD POŽARA I ZAŠTITE NA RADU“*

#### Član 6.

##### **OBVEZE NARUČITELJA**

IZVRŠITELJU omogućiti pristup lokacijama na kojima će se obavljati ugovorene usluge u slučajevima kada se iste obavljaju na lokaciji NARUČITELJA.

Pravovremeno imenovati osobu ovlaštenu za obavljanje nadzora nad vršenjem usluga (nadzornik). Pravovremeno dati prigovore IZVRŠITELJU na njegove propuste, koje isti eventualno učini prilikom izvršenja ugovorenih Usluga.

NARUČITELJ ne odgovara za IZVRŠITELJEVE radnike, mehanizaciju, alat i opremu. NARUČITELJ će koordinirati rad IZVRŠITELJA, u slučajevima kada IZVRŠITELJ konstatuje kvar na nekom od sistema aktivne zaštite na objektima i nije u mogućnosti izdati pozitivan zapisnik (otest).

#### Član 7.

##### **OBVEZE IZVRŠITELJA**

Uslugu izvršiti kao specijalizovana firma za ovu vrstu usluga u skladu sa Ugovorom i njegovim sastavnim dijelovima, važećim propisima, standardima, tehničkim normativima i pravilima struke.

Za svaku obavljenu uslugu na objektu IZVRŠITELJ je obavezan da dostavi zapisnik (atest) o izvršenom pregledu i servisiranju.

Za vršenje usluga osigurati svu potrebnu opremu, alat i sve ostalo što je neophodno za uspješno i sigurno izvršenje ugovorenih usluga.

#### Član 8.

##### **IZJAVA O KVALITETI IZVRŠENIH USLUGA**

IZVRŠITELJ ovom odredbom Ugovora izjavljuje kako će Uslugu koja je predmet ovog Ugovora izvršiti pažnjom dobrog stručnjaka, uz primjenu i poštovanje svih meritornih Zakona, standarda i pravila struke, kao i mjerodavnih propisa za ugovorenu vrstu Usluga.

#### Član 9.

##### **ČUVANJE POVJERLJIVOSTI PODATAKA**

Ugovorne strane suglasno utvrdjuju da će se dokumenti i informacije vezane za ovaj Ugovor i njegovu realizaciju, kao i dokumenti i informacije vezane za drugu ugovornu stranu i njeno poslovanje koje je jedna ugovorna strana primila ili dobila u bilo koje vrijeme od druge strane na bilo koji način, smatrati poslovnom tajnom i da se kao takve neće otkrivati ili učiniti dostupnima trećim stranama niš koristiti u svrhe koje izlaze izvan okvira izvršenja ovog Ugovora.

Ova obveza čuvanja povjerljivosti podataka ne odnosi se na sljedeće informacije:

- (I) javno poznate informacije, ili naknadno javno obznanjene informacije – osim ukoliko je povjerljiva informacija objavljena namjerom ili propustom ugovorne strane koja je informaciju dobila, ili
- (II) informacije koje je ugovorna strana koja dobiva informacije posjedovala prije datuma sklapanja ovog Ugovora, ili
- (III) informacije koje je ugovorna strana koja dobiva informacije dobila od neke treće strane koja nije vezana obvezom čuvanja povjerljivosti tih informacija, ili
- (IV) informacije koje se objavljuju ili otkrivaju u skladu sa zakonom, propisima ili nalogom nekog drugog nadležnog tijela u mjeri u kojoj to otkrivanje propisuje zakon.

Stranka koja je neovlašteno učinila dostupnom informaciju koja se po ovom Ugovoru smatra povjerljivom, odgovara drugoj ugovornoj strani za time pretrpljenu štetu.

Obveza čuvanja povjerljivosti podataka, ostaje na snazi nakon prestanka važenja, odnosno raskida ovog Ugovora.

#### Član 10.

##### VIŠA SILA

Pod višom silom podrazumijeva se slučaj kada ispunjenje ugovorne obveze jedne ugovorne strane postane nemoguće zbog izvanrednih vanjskih događaja nastalih nakon sklapanja ovog Ugovora, a prije dospelosti ugovorne obveze, koji se u vrijeme sklapanja ovog Ugovora nisu mogli predvidjeti, niti ih je ugovorna strana mogla spriječiti, izbjeći ili otkloniti te za koje nije odgovorna ni jedna ni druga ugovorna strana.

Ukoliko je ispunjenje ugovorne obveze jedne ugovorne strane postalo trajno i potpuno nemoguće, prestaje i obveza druge ugovorne strane, a u odnosu na Ugovor smatrat će se da je isti prestao po sili zakona.

Ukoliko je ispunjenje ugovorne obveze jedne ugovorne strane postalo samo djelomice nemoguće, strana koju je zadesio takav događaj dužna je o nastupu kao i o prestanku takvog događaja, odmah usmenim putem (telefonski), a pisanim putem (telefaksom, poštom preporučeno, e-mail-om) najkasnije u roku od 3 dana od dana nastanka/prestanka događaja, izvijestiti o tome drugu ugovornu stranu te joj predočiti relevantne dokaze iz kojih se može utvrditi nastupanje ovakvog događaja i njenih posljedica, kao i opseg i procijenjenu duljinu trajanja nemogućnosti ispunjenja ugovorne obveze. Ugovorna strana koja ne postupi sukladno navedenom, odgovorna je drugoj ugovornoj strani za štetu koju ova pretrpi zbog propusta ovakve obavijesti.

Ukoliko je zbog nastupa više sile IZVRŠITELJ onemogućen u ispunjenju svojih ugovornih obveza duže od 30 dana, NARUČITELJ zadržava pravo jednostranog raskida ovog ugovora, bez ikakvih štetnih posljedica po sebe, s čime je IZVRŠITELJ neopozivo suglasan.

#### Član 11.

##### RASKID UGOVORA

Svaka ugovorna strana ima pravo raskinuti ugovorne odnose slanjem pisane obavijesti, s otkaznim rokom od 30 dana, koji počinje teći od dana primitka pisane obavijesti.

Svaka ugovorna strana ima pravo raskinuti ovaj Ugovor ukoliko druga ugovorna strana krši odredbe ovog Ugovora, odnosno ne izvršava preuzete ugovorne obveze na način i u rokovima utvrđenim ovim Ugovorom, a navedene propuste ne otkloni niti u naknadnom primjerenom roku koji joj za to ostavi druga ugovorna strana.

#### Član 12.

##### RJEŠAVANJE SPOROVA

Ugovorne strane suglasne su da će sve eventualne sporove iz ovog Ugovora prvenstveno rješavati međusobnim dogovorom.

Ukoliko ugovorne strane u razumnom roku ne uspiju riješiti nastali spor međusobnim dogovorom, za rješavanje istog ugovoraju nadležnost stvarno nadležnog suda u Sarajevu.

#### Član 13.

##### IZMJENE I DOPUNE UGOVORA

Ugovor se može mijenjati i dopunjavati samo uz suglasnost obje ugovornih strana.

Izmjene i dopune Ugovora dobivaju pravnu snagu jedino ako su pisano ugovorene i pravovaljano potpisane po ovlaštenim predstavnicima obje ugovornih strana.

#### Član 14.

##### NASTAJANJE I VAŽENJE UGOVORA

Ugovorne strane suglasno utvrđuju da Ugovor nastaje i proizvodi pravne učinke s danom kada ga potpišu ovlašteni predstavnici obje ugovorne strane. U slučaju da se datumi potpisa Ugovora međusobno razlikuju, smatrat će se da je Ugovor sklopljen kasnijeg datuma.

Ugovorne strane su saglasne da se Ugovor primjenjuje od datuma stupanja na snagu u skladu sa prethodnim stavom i važi 1 (jednu) godinu, te se prešutno produžava.

**ZAKONSKA REGULATIVA**

**Član 15.**

Za sve ono što nije regulirano ovim Ugovorom primjenjivat će se primarno odredbe Zakona o obveznim odnosima.

**Član 16.**

**PRIMJERC I UGOVORA**

Ovaj Ugovor sačinjen je u 2 (dva) istovjetna primjeraka, od kojih NARUČITELJ zadržava 1 (jedan) primjerka, a IZVRŠITELJ 1 (jedan) primjerka.

U Sarajevu, 27.11.2017. godine



Broj: 04-056/17  
Datum: 27.11.2017.godine



Broj: 01-1-005/17  
Datum: 28.11.2017.g